

Мемлекеттік тілді оқыту курстары оқытушысын іріктеу бойынша конкурс өткізу туралы хабарландыру

«Қазақстан Республикасының Ұлттық Банкі» РММ Қостанай филиалы мемлекеттік тілді оқыту курстары оқытушысын іріктеу бойынша конкурс жариялайды.

Конкурсқа қатысуға арналған құжаттар 2022 жылдың 13 – 19 қаңтары аралығында мына мекенжай бойынша қабылданады: Қостанай қаласы, Баймағамбетов көшесі, 195 үй, «Қазақстан Республикасының Ұлттық Банкі» РММ Қостанай филиалы, № 312 кабинет бойынша конкурсқа қатысушының кері мекенжайы көрсетілген мөрленген конвертте (қолма-қол немесе поштамен) немесе Dinara.Bazarbayeva@nationalbank.kz электрондық поштасы бойынша электронды түрде қабылданады.

Конкурстық іріктеуге қатысушыларға қойылатын талаптар:

- «Қазақ тілінде оқытпайтын мектептердегі қазақ тілі мен әдебиеті», «Қазақ тілі мен әдебиеті» немесе аталғандарға ұқсас мамандық бойынша жоғары (жоғары оқу орнынан кейінгі) филологиялық білімі;

- қазақ тілін оқыту тәжірибесі кем дегенде 5 (бес) жыл;

- ғылыми дәрежесі (құпталады).

- Қазақстан Республикасының Конституциясын, «Білім туралы», «Ғылым туралы», «Қазақстан Республикасындағы тіл туралы» Қазақстан Республикасының заңдарын, Қазақстан Республикасындағы тіл саясатын іске асырудың 2020-2025 жылдарға арналған мемлекеттік бағдарламасын, Қазақстан Республикасының барлық деңгейдегі «Қазақ тілін меңгерудің коммуникативтік тілдік құзыреттері» ұлттық стандарттарын, Қазтест қазақ тілін меңгеру деңгейін бағалау жүйесін білу;

- тілдерді оқытудың заманауи инновациялық әдістері мен технологияларын меңгеру.

Конкурсқа қатысу үшін «Қазақстан Республикасының Ұлттық Банкі» РММ Қостанай филиалы мемлекеттік тілді оқыту курстары оқытушысын іріктеу жөніндегі конкурстық комиссиясына келесі құжаттарды ұсыну қажет:

- конкурстық іріктеуге қатысушы туралы жалпы мәліметтер көрсетілген түйіндеме;

- жеке тұлғалар үшін азаматтық іс-әрекетке қабілетін растайтын құжаттардың көшірмелері (жеке куәлігі немесе төлқұжаты);

- жоғары (жоғары оқу орнынан кейінгі) білімі туралы дипломдарының нотариалды куәландырылған көшірмелері;

- қазақ тілін оқыту тәжірибесінің кем дегенде 5 (бес) жылын растайтын құжаттардың көшірмелері;

- ұсынымдар (бар болған жағдайда);

- білімі, жұмыс тәжірибесі, кәсіби деңгейіне қатысты өзге құжаттардың көшірмелері (біліктілігін арттыру, ғылыми дәрежелер мен атақтар беру, санатының болуы, ғылыми жарияланымдары туралы, сертификаттар, мінездемелер, ұсынымдар, олардың кәсіби қызметін, біліктілігін сипаттайтын өзге де мәліметтер) (бар болған жағдайда).

Құжаттар қолма-қол немесе пошта арқылы мөрленген конвертте немесе электрондық пошта арқылы белгіленген мерзімде қабылданады. Құжаттар электрондық нысанда (оның ішінде сканерленген нұсқада) ұсынылған жағдайда, құжаттардың көшірмелері мен түпнұсқалары жауапты тұлғамен келіскен мерзімде ұсынылуы тиіс.

Ұсынылған құжаттарды қарау қорытындылары бойынша конкурстық комиссия құжаттарды қабылдау мерзімі аяқталғаннан кейін 3 (үш) жұмыс күні ішінде конкурстық іріктеуге қатысушылардың құжаттарының белгіленген талаптарға сәйкестігі (сәйкес еместігі) туралы шешім қабылдайды.

Конкурстық комиссияның хатшысы конкурстық комиссия шешім қабылдағаннан кейін 2 (екі) жұмыс күні ішінде:

- кандидаттарды әңгімелесу өткізу күні туралы;
- әңгімелесуге рұқсат беруден бас тарту алған конкурстық іріктеуге қатысушыларды конкурстық комиссияның шешімі туралы хабардар етеді.

Мемлекеттік тіл курсының оқытушысымен мемлекеттік тіл курсын өткізу бойынша ақылы қызмет көрсету шарты жасалады. Бір академиялық сағаттың құны 6000 (алты мың) теңгені құрайды, сондай-ақ Қазақстан Республикасының салық заңнамасына сәйкес төлем көзінен жеке табыс салығының, Қазақстан Республикасының зейнетақымен қамсыздандыру туралы заңнамасына сәйкес міндетті зейнетақы жарнасының және Қазақстан Республикасының міндетті әлеуметтік медициналық сақтандыру туралы заңнамасына сәйкес міндетті әлеуметтік медициналық сақтандыруға арналған жарнаның сомасы ұсталатын болады.

Байланыс деректері: Қостанай қаласы, Баймағамбетов көшесі, 195 үй, «Қазақстан Республикасының Ұлттық Банкі» республикалық мемлекеттік мекемесінің Қостанай филиалы, құжаттар №312-кабинетте қабылданады, – қызметкерлермен жұмыс жүргізу жөніндегі бас маман Базарбаева Динара Сериковна, тел. 8(7142) 99-09-10 (ішкі н.3633), Dinara.Bazarbayeva@nationalbank.kz

Құжаттар топтамасын толық ұсынбау конкурстық комиссияның оларды қараудан бас тартуына негіз болып табылады.